

von Wulf Wager

## Chauvi-Witz



Letztscht Woch' hemmr en onserm Männerfreundeskreis über Bier diskutiert. Oinr hot behauptet, em Bier wärat weibliche Hormone. Nadierlich hemmr den wega derra Bemerkung uf da Hebel gnomma.

Aber trotzdem hemmr beschlossa, derra Sach wissenschaftlich auf da Grund zom ganga. So hot jeder von ons – nadierlich bloß wega dr Wissenschaft – 10 Bier tronka. Wo mr fertig warat, hemmr folgende Tatsache feschtgstellt:

1. Mir hend zuagnomma.
2. Mir hend en Haufa gschwätzt, ohne ebbes drbei zom saga.
3. Mir hend Probleme beim Fahra ghet.
4. Mir warat net amol im entferntescha en dr Lage, logisch zom denka.
5. Mir hend's net nokriagt, zuzomgeba, dass mr em O'recht send, au wenn des eideutig war.
6. Mir hend glaubt, jeder von ons sei dr Mittelpunkt vom Universum.
7. Mir hend Kopfweh ghet ond koi Luscht auf Säggs.
8. Mir hend onsre Emotiona bloß schwer kontrolliera ken-na.
9. Mir hend ons gegaseitig an de Händ ghoba.
10. Mir hend alle zehn Minuta uf's Clo miassa, ond zwor alle gleichzeitig.

Domit send wohl weitere Erläuteronga ibrflissig:  
Bier enthält definitiv weibliche Hormone!

Bis näggschd Woch'

Ihr

Wulf Wager

Alle Kolumna zom Nochlesa  
ondr [www.woascht.de](http://www.woascht.de)